

91541R



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

COMMON ASSESSMENT TASK

Level 3 Cook Islands Māori, 2019

**91541 Demonstrate understanding of a variety of
extended written and/or visual Cook Islands Māori texts**

9.30 a.m. Thursday 19 September 2019 (New Zealand)
11.30 a.m. Wednesday 18 September 2019 (Cook Islands)
Credits: Five

RESOURCE BOOKLET

Refer to this booklet to answer the questions for Cook Islands Māori 91541.

Check that this booklet has pages 2–5 in the correct order and that none of these pages is blank.

YOU MAY KEEP THIS BOOKLET AT THE END OF THE EXAMINATION.

FIRST TEXT: *Te ora'anga i muri ake i te 'akaoti'anga āpi'i i roto i tōku oire ē tēta'i ua atu oire*
Life after studying in my hometown and in another city

Terryanne and Mike describe their experience studying to complete university. Read the text on pages 2 and 3. Use it to answer Question One.

Te akakite nei a Terryanne e Mike i ta raua i kite i roto i te akaotianga i ta raua apii tuatoru. Tatauia ta raua akakiteanga i roto i te puka tauturu kapi 2 e te 3. Taangaangaia teia ei pau i te Uianga Tai.

Terryanne:

I te akaoti'anga au i te Apii Tua Rua, kua inangaro au i te aere atu ki te Apii Tua Toru o Waikato kia āpi'i'ia au kia riro mai ei akapapa'anga turanga moni. I te mea oki e, e aka moni i te tutaki'anga, kua noo mai au ki te kainga. No te mea kare e apii no te akapapa'anga turanga moni i toku oire, iki atu au te rua o taku apii. I te reira tuatau kare au e mataora meitaki ana no te mea kua inangaro tikai au i te akaruke i ā te kainga. Kare oki au e toku metua vaine e 'au meitaki ana. E taumaro putuputu ana maua i te au ra no te mea e nga metua tureture tikai raua, e kare katoa raua e akatika ana iaku kia rave ua atu i taku i anoano. I teianei me oki au i te akara ki muri kua kite au e, ko te noo'anga mai ki te kainga tetai mea puapinga tikai tei tupu ki aku.

I toku ā mataiti ki te Apii Tua Toru, kua matutu mai toku turanga tangata. Na roto i te tauta pakari i riro mai ei au ei tamaine irinaki'ia e toku au taeake e pera toku nga metua. Kua riro toku ngai nooanga e toku kopu tangata i te tauturu iaku kia kore au e angaanga no tetai tuatau poto. Kua rauka iaku i te akatinamou meitaki i toku tuatau e tai anere patene ki runga i taku apii e kua rauka mai tetai au akairo e te turanga meitaki tikai. E aka tauturu tikai ta toku nga metua i rave no te tutaki'anga i taku apii, e kua maata atu taku akameitaki'anga ia raua. Iaku e tupu ra i toku pakari'anga kua kite mai au e kare toku nga metua i inangaro kia teimaa toku ora'anga mari ra, kua inangaro raua i te paruru iaku e ma te rave i te mea meitaki noku. I ta raua akara'anga, kua kite mai raua e kare oku tu tamariki akaou e kua rauka iaku i te anga'anga kapipiti kia raua, e pera katoa ki toku metua vaine, e i teianei e piri'anga meitaki tikai to maua. Kua riro mai toku nga metua mei te oa piri mou no te mea e manganui te au mea ta matou i na roto mai ana.

Ko teia i reira te akamaro'iro'i'anga noku kia kimi i tetai anga'anga, kia rauka mai toku turanga arataki'anga ia aku rai. Penei ka akamata au i te tutaki i tetai ngai moe'anga noku, noatu oki e ko toku inangaro tikai kia noo au ki te kainga e kia taporoporo i te moni kia rava no te tutaki atu i te tapa'o ki runga i toku ngutuare mua.

FIRST TEXT (continued)**Mike:**

I mua ake ka akaoti ei au i te apii tua rua, kua papu iaku e kare au e apii ki roto i te oire e noo ra toku nga metua. E inangaro ua ana rai au e kia riro mai au ei aka'aere ia aku rai, e no reira kua riro te aere'anga ki te apii tua toru ei kotoe'anga meitaki. Noatu oki e kare toku nga metua i ariki meitaki ana i toku manako, kua rauka mai taku moni kaiou ei tauturu no te au tauira e kua aere atu rai au. E pakari roa ta raua au ture e ko au, te vaiata atu ra toku mataiti ki te 18 i te reira tuatau, kua inangaro au e naku rai e akatere i toku uaorai ora'anga.

I te mataiti mua kua manga mi'i rai au i toku ngutuare tangata. Kua riro toku ora'anga ou ei tupau i te ora'anga meitaki o te ngutuare. Ka rauka ia aku i te aere ki tetai ngai ua atu, oki mai i te ora taku ka inangaro, ka rauka ia aku i te aere atu ki te au ngai tamataora te ka pati'ia mai au ... ma te kore e pati i te tika ki toku nga metua. Kua rauka mai taku anga'anga e te tutaki nei au i te au akapou'anga ka ano'ano'ia kia tutaki'ia, e na roto i te reira kua kite mai au e ka akapeea i te taporoporo e te akono i taku moni kia tae'a'ia mei tetai epetoma ki tetai epetoma.

Naringa te tika e akakite iana, kare aku apinga e tau. Kua mataora tikai au e i teiane kua maata toku au taeake. E taniuniu ana au i toku nga metua i tetai au tuatau e pera katoa e aere ana au atoro ia raua mei tetai rua tuatau i te mataiti. I te mea e kua matau au i te aka'aere iaku rai i teia au roa'anga mataiti kare au i manako e ka rauka iaku i te noo kapipiti akaou ki toku nga metua. Te irinaki nei au e ka rauka mai tetai ngai anga'anga naku kia tau ki taku i apii mai ana kia riro iaku i te akapeke i taku āka kaiou.

SECOND TEXT: *Parani tamanako'ia no Avarua no te tuatau ki mua*
Concept plans for future Avarua

A town plan is being prepared to guide future government investments in central Avarua. Read the text below. Use it to answer Question Two.

Te akanoonoo'ia nei tetai parani ei kaveinga no te au kavamani ki mua ei akamatutu e te akapuapinga'anga i te Oire Tumu o Avarua. Tatau i teia tataanga ma te taangaanga atu i te reira no te pau i te Uianga Rua.

Mei roto mai ia Mati e 18 au Parani tukeke no Avarua, te oire maata o te ipukarea Kuki Airani.

E rauka mai ei tetai au akamarama'anga no runga i te akano'anga Māori ka inangaro'ia kia aru rai i te akanoo'anga tau i mua ake ka akatika'iai kia aravei atu i te au arataki o te reira oire.

THIRD TEXT: *1000 au taura/ 1000 ropes*

Read the film review below. Use it to answer Question Three.

Tatau'ia teia teata akara akaou ma te ta'anga'anga atu i te reira no te pau i te Uianga Toru.

Ko te teata 1000 Au Taura kua nenei'ia te reira ki Wellington i te mataiti 2017 E akatutu'anga teia no runga i tetai metua tane Amoa ko Maea, e neti tane aka'anau tamariki aia e pera katoa e taunga akaora maki. E noo kapipiti ana aia e tana tamaine openga. Kua riro teia tuatau ei akatano akaou i te ora'anga o tona kopu tangata no te tuatau ki mua na roto i tetai au ravenga manakokore'ia. Kua riro to raua noo kapipiti'anga ei akara'anga na raua ki te au mea tei tupu.

I tona mapu'anga, e tangata moto aia e pera katoa e tangata akatupu pekapeka e te tangata riri tikai. E kapiki ana ratou iaia e riona no tona tu matakukore.

I tona ora'anga akaipoipo e ta ana aia i tana vaine.

I roto i te teata kua tupu te manamanata i te tae'anga mai tana tamaine maata ki te kainga, pai'i meitaki aia i te taia'ia e tana tane. Kua timata'ia a Maea kia rave i te tutaki'anga na roto i tana i matau ana inara te inangaro nei aia i te akatupu i tetai ora'anga ou no tona kopu tangata e kia atui atu aia ki te au tangata tana e inangaro nei na roto i te akaarianga i te tu meitaki e te aroa.

I teiane kua pakari aia, kare aia e akatupu pekapeka ana e kua akaruke aia i tana inuinu. Kua rauka katoa iaia te tu akakoromaki i tona pakari'anga, kua akaari mai teia i tona tu aroa ki tona taeake kai kava e te tuatua taukore ki tetai ua atu tangata te ka piri vaitata mai kia ia.

Ko te rima tei tā ana i te tangata i tona mapu'anga, i teiane kua riro mai ei rima akaora tangata, ma te akaanau mai i te ora'anga ou ki teiane ao. Ko te au taura o te putaua, te taura kai kava e te taura takinokino tei riro ana ei tapeka iaia i tona mapu'anga, kua matara mai i tona pakari'anga.

